

LIBRI E MOSCHET

Che il proveditôr ai studis di cumò al seti la persone mancul indicade par sentâsi là ch'al è il timon de culture gjenuine, vadi chê che à lis lidrîs tal popul, lu vin sinpri savût e no savin cemût che mestris e professôrs e gjenitôrs furlans no àn ancjmò tacât a protestâ par ch'al torni jù pai siei ajars. I câs dal conpît «Moja vas» e «Dulà ch'ò vîf», a son stâz l'ultin spieli di ce ch'al pense dai slovens e dai furlans e trop ch'a puedin sperâ tune scuele peade al teritori. Il velen ch'al à ta l'anime cuintri des minorancis, po, al sares di fâ un studi sore.

Ma se nond'ere avonde, al à pensât ben di reongi cun tun befel dal 19 di maj, là ch'al invade pressiz e diretôrs a spiegâur ai scuclârs di ogni ordin l'inpuartancue des «Celebrazioni in onore delle Forze Armate» e al invade ancje a mandâ cualchidun ae sfilade dal V^o Cuarp d'armade ai 14 di jugn.

Comenz s'ind'â sintûz di ogni bande. Parfin Ciceri, ch'al è rût patriotisin talian, si è sustât e i democristians e àn dit ch'a è une robe fûr di scuale, ancje s'a ere schifose compagne la part che lôr e i partîz ch'a son cun lôr e àn fate sul cantin des minorancis in Regjon.

«La Vite Catolice», tun servisi vivarôs e sclet ch'j fâs onôr, e à metût une granpe di inpinions sun chest fat orient. An sielgin dôs, che nus àn semeât lis plui inbrucjadis.

Pre Checo Placerean: «E jè clare. L'inissiative dal proveditôr e à un intendo unevore clâr. Dâ l'inclusion che in Friûl i soldâz a son benvidûz e che la int e va in brût par lôr ma soledut ch'a fasin part de culture dal popul e a puedin adiriture dâj la volte, massimentri se si trate di culture locâl. O vin duncje un proveditôr ai studis ch'al sameares a servissi dal ministeri de Difese. Al è evident ch'al à sbalgjât ministeri. Pa la cuâl al è dome un sbalgjo di ministeri». Par lui la culture e jè chê de scole, no chê de int.

Riedo Pup: «A pensâ ben, ce âjal fat di mâl il proveditôr? Cheâltre di, cun tune circolâr, al à proibît che in scuele si fâsi un còmplit sul Friûl. Forsi si à salvât l'unitât d'Italie. Vuè, invezit, cun tun'âltre circolâr, al à invidât a lustrâ in dutis lis scuclis, la sfilade militâr a Udin. Forsi al à salvât la difese da l'Italie.

Po al à invidât lis scuclis a cjapâ contat cul so ufici par mandâ i studenz a partecipâ a la manifestazion armade.

E' je une maniere par vizzinâ i zovins a lis armis — vuè, si sa, la zoventût 'e je masse indurmidide e spaurose — e par fâ nassi, tai fruz, vocazions militârs. Cun tante bisugne ch'e jè di vocazions pes armis — come che i gjenerâi e' àn visât.

Dut câs, bisugne ricognossi che si à fat un grant pas indenant. Fin cheâltre di i proveditôrs nus mandavin a lis manifestazions militârs in divise; il nestri Camillo, invezit, pal moment nus mande ancjmò in borghês».

Coragjo, duncje, ch'a tornin i timps d'aur!

Jugn 1981